

Na osnovu člana 56. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo donosi

PRAVILNIK
O FORMIRANJU I RADU KOMISIJE ZA PROVOĐENJE POSTUPKA PO JAVNOM
POZIVU ZA PODNOŠENJE PRIJAVA ZA SUFINANSIRANJE POVEĆANJA
ENERGIJSKE EFIKASNOSTI U OBJEKTIMA INDIVIDUALNOG I KOLEKTIVNOG
STANOVANJA NA PODRUČJU KANTONA SARAJEVO

Član 1.
(Predmet)

Ovim pravilnikom se uređuje imenovanje Komisije za provođenje javnog poziva (u daljem tekstu: Komisija) i postupak po Javnom pozivu za podnošenje prijava za sufinansiranje povećanja energijske efikasnosti u objektima individualnog i kolektivnog stanovanja na području Kantona Sarajevo (u daljem tekstu: Javni poziv) koji raspisuje Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo prilikom realizacije Programa "Povećanje energijske efikasnosti u objektima individualnog i kolektivnog stanovanja na području Kantona Sarajevo" koji je prihvaćen zaključkom Vlade Kantona Sarajevo broj: 02-04-38588-70/25 od 09.07.2025. godine.

Član 2.
(Objava javnog poziva)

Javni poziv objavljuje Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo) u jednom od dnevnih novina velikog tiraža i na web stranici Ministarstva.

Član 3.
(Imenovanje Komisije)

- (1) Imenovanje Komisije za realizaciju Javnog poziva vrši Ministarstvo.
- (2) Komisija se sastoji od tri člana i imenuje se iz reda zaposlenika Ministarstva.

Član 4.
(Zadaci Komisije)

(1) Zadaci Komisije su:

- a) da po zaključenju javnog poziva, otvori i izvrši pregled dostavljenih prijava odnosno kandidovanih projekata odnosno prijava za sufinansiranje povećanja energijske efikasnosti u objektima individualnog i kolektivnog stanovanja na području Kantona Sarajevo, i provjerava da li podnosilac prijave ispunjava uslove iz Javnog poziva,
- b) da ukoliko je prijava nepotpuna, pozove podnosioca prijave da dopuni prijavu i dostavi traženu dokumentaciju u roku od sedam dana,
- c) da odbaci prijavu podnosioca koji u ostavljenom rokuu iz tačke b) ovog člana ne dostavi traženu dokumentaciju u i koji ne ispunjava uslove iz Javnog poziva i o tome ga obavijesti,
- d) da utvrdi prijedlog rang liste odabranih projekata za za sufinansiranje povećanja energijske efikasnosti u objektima individualnog i kolektivnog stanovanja na području Kantona Sarajevo (u daljem tekstu: prijedlog rang liste) i istu objavi na web stranici Ministarstva;

- e) da izradi prijedlog sporazuma za sufinansiranje povećanja energijske efikasnosti u objektima individualnog i kolektivnog stanovanja na području Kantona Sarajevo.
- (2) Komisija radi u sjednicama koje održava u toku radnog vremena.

Član 5.
(Prigovor na prijedlog rang liste)

- (1) Na prijedlog rang liste podnosilac prijave može u roku od sedam dana od dana objavljivanja prijedloga rang liste izjaviti prigovor ministru.
- (2) Ministar razmatra prigovor nakon čega pismeno obavještava podnosioca prigovora o donesenoj odluci po prigovoru, a Komisija je obavezna predložiti odgovor o eventualnim izjavljenim prigovorima na prijedlog rang liste.

Član 6.
(Konačna rang lista)

Konačnu rang listu za dodjelu sredstava, na prijedlog Komisije, u skladu sa obezbijeđenim sredstvima u Budžetu Kantona Sarajevo i Programu utroška sredstava za 2025. godinu utvrđuje Ministar na prijedlog Komisije.

Član 7.
(Zaključenje sporazuma)

- (1) Na osnovu konačne rang liste Ministar zaključuje Sporazum o sufinansiranju odobrenih projekata.
- (2) Sporazumom se precizno definišu prava i obaveze sporazumnih strana, a posebno:
- a) način praćenja realizacije odobrenog projekta,
 - b) način praćenja namjenskog utroška dodijeljenih sredstava,
 - c) elemente narativnog i finansijskog izvještaja o provođenju projekta koje će primalac sredstava obavezno dostaviti ministru,
 - d) rok za dostavljanje izvještaja od strane primaoca sredstava
 - e) druge elemente za koje Ministarstvo procijeni da su relevantni za zakonit i transparentan utrošak dodijeljenih sredstava.

Član 8.
(Gramatička terminologija)

Gramatička terminologija korištenja izraza ženskog ili muškog roda u ovom pravilniku, a imaju rodno značenje koriste se neutralno i odnose se jednako na muški i ženski rod.

Član 9.
(Stupanje na snagu)

Ovaj pravilnik stupa na snagu danom donošenja i biće objavljen na web stranici Ministarstva.

Broj: 05/06-19-40505-39/25

Datum: 17.11.2025. godine

